



Peter Olsen
Inatsisartunut ilaasortaq, Inuit Ataqtigiit

**Eqqumiitsuliorneq kulturilu pillugit 2022-mi isumasioqatigiinneq pillugu § 37
naapertorlugu apeqquteqaat nr. 020/2024**

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut
tullinnuuttuni akissuteqarfiggissavakka.

Apeqqut 1:

**Ukioq 2022 naalersoq eqqumiitsuliorneq kulturilu pillugit isumasioqatigiittoqarpoq.
Taassuma kingorna suleqatigiit inassuteqaasiortussat suliassanik
pingaarnersiullutik inassuteqaatinik qulinik Naalakkersuisunut
inassuteqaasiortup. Inassuteqaatit taakku qulit suuppat?**

Akissut:

Qulequtarineqarluni: "Siunissami eqqumiitsuliornikkut ilisarnaaterput" Ilinniartitaanermut,
Kultureqarnermut, Timersornermut Ilageeqarnermullu Naalakkersuisup Nuummi 1.-3.
november 2022-mi ingerlappaa.

Isumasioqatigiinnermik katillugit inassuteqaatit 38-t oqaasertalersorneqarput,
isumasioqatigiinnerullu naanerata kinguninngua Naalakkersuisunut ilisimatitsissutitut
nassiunneqarlutik. Apeqqummi oqaatigineqaraluartut
suleqatigiissitaliortoqarsimangilaq. Naalakkersuisunullu ilisimatitsissummi
inassuteqaataasunit 38-nit qulit pingaarnertut ersarissarneqarput.

Innersuutigineqartut qulit ukuupput:

1. ingerlataqarfimmik kattuffimmillu patajaatsumik isumalluuteqarluartumillu,
siunnersuinissamik ataqtigiissaarinissamillu pisussaaffilimmik aningaasartallimmillu
pilarsitsisoqassasoq (Kulturimut instituti).
2. filminut atatillugit Islandimisulli "akikillisaasarnermik aaqjissuussisoqassasoq". Taanna
tapiissuteqartarnermik aaqjissuussaavoq, tassani Islandimi kiffartuunneqarnissamik
filminillu pisiaqarnermut atatillugit aningaasat procentiinik aalajangersimasunik
filmiorsimasunut utertisoqarsinnaavoq.
3. nuna tamakkerlugu Naalakkersuisunut najoqqutassatut, erseqqissunik siunertalimmik
ataatsimullu takorluugalimmik kulturi pillugu ataatsimik politikkeqassasoq.
4. 2024 tikitsinnagu Kalaallit Nunaanni eqqumiitsuliornermik inuuneq pillugu
nassuiaasiortoqassasoq (eqqumiitsuliornermut pillugit kisitsisitigut paasissutissat,
aningaasaqarneq, peqatigiiffiit il.il.) Nassuiaat eqqumiitsuliornermut kulturimullu
suliassaqaarfiup sulissutigeqqinnissaanut aamma siunissamat ungasinnerusumut
pilarsaarusernermut toqqammaviliissaaq.

07-02-2024
Suliap normua.: 2024 - 1595
All. nr. 23844980

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

5. politikikkut ataqatigiissaarisooqatigiinni "kulturi" sammisassaannut ilaassasoq.
6. Namminersorlutik Oqartussat kommunillu kulturip inuussutissarsiutillu akornanni ullormik sammisaqartitsivimmik aaqqissuussissasut, matumanilu eqqumiitsuliornermut kulturimullu suliassa qarfik pillugu pisussaaffiliisumik isumaqatigiissusiortoqassasoq.
7. oqaasinnaamik pilersitsisoqassasoq, aammalu eqqumiitsuliornermut kulturimullu suliassa qarfirmut siunissamut ungasinnerusumut pilersaarusiortoqassasoq.
8. eqqumiitsuliorneq inuussutissarsiutitut erseqqissarneqassasoq kiisalu eqqumiitsuliornermut suliassa qarfiup qanoq imminut akilersinnaanera erseqqissarneqassasoq pitsanngorsarneqassasorlu.
9. siulersuisuni sulinermit, immikkut ilisimasaqarnermut siunnersuisarnermullu akissarsiaqartitsinikkut ileqqorissaarnissamut najoqqutassaliortoqartariaqartoq.
10. inatsisit nutarterneqassasut kommuninut tunngatillugu pisussaaffiliinerulersinneqassasut, tassa aalajangersakkat periarfissaqartitsisut pisussaaffinngorlugit allanngortinneqassasut.

Apeqqu 2:

Inassuteqaatit taakku qulit pillugit Naalackersuisut qanoq pilersaaruteqarpat?

Akissut:

Isumasioqatigiinnermit inassuteqaatit eqqumiitsuliornermut kulturimullu tunngasunik tunngaviusumik suleriaqqinnissamut aallaaviulluuartut Naalackersuisut isigaat. Taamatut isumasioqatigiinnermi eqqumiitsuliornermut kulturimillu suliaqartut nalinginnaasumik sulinerminnut atatillugu suut unammilligassarisarneraat tusarlugit pissarsiaqarnarput. Naalackersuisut inassuteqaatit 38-t aallaavigalugit ataasiakkaat nalilersussavaat, ilaatigut eqqumiitsuliornermut kulturilerinermullu tunngasunik suliaqarnermut inatsisit atuuttut pillugit nutarterisinnaaneq eqqarsaatigalugu, matumanilu assersuutigalugu filmiliornermut tunngasumik inatsimmut siunnersuusiornissamut sulineq.

Inassuteqaammut 1-imut oqaaseqaatit.

Naalackersuisut maluginiarpaat eqqumiitsuliornermut kulturimillu suliaqartut nukittuumik nukissaqarluartumillu "Kulturimut instituttit" ittumik pilersitserusuttut, kiisalu EPI-p atuunneranik sunniuteqartarneranillu aamma patajaallisaarusullutik.

Naalackersuisut maluginiarpaat isumasioqatigiinnermi peqataasut eqqumiitsuliornermut kulturilerisunullu maanna kattuffiat (EPI) taassumalu suliai apeqquersormatigit. Naalackersuisut aamma qanittumi ilisimatinneqarput kalaallit atuakkiortuisa peqatigiiffiat Kalaallit Atuakkiortut kattuffimmit anisimasoq.

Eqqumiitsuliornermut kulturilerinermillu suliaqartut kattuffiannut Naalackersuisut suli tapiissuteqartarusupput, tassa kattuffiup ilaasortat soqutigisaat suliarisarmagut ilaasortanilu sinnerlugit oqaaseqartartuulluni. Naalackersuisut kattuffimmik patajaallisaanissamut tunngatillugu soqutigisaqatigiit eqqortut oqaloqatiginissaannut ammapput. Tassunga ilanngullugu oqaatigineqarsinnaavoq Naalackersuisut Eqqumiitsuliornermut Pinngorartitsisut Ingerlatsisullu (EPI) konto pingaarneq 40.95.01 atorlugu qinnuteqarnikkut suli tapiissuteqarsinnaammata. Naalackersuisoqarfik manna tikillugu qinnuteqaammik tigusaqarsimanngilaq.

Inassuteqaammut 2-mut oqaaseqaat.

Naalackersuisut aalajangiiffigisassatut siunnersuut UPA2022/75 tunuliaqutaralugu soqutigisaqaqatigiit attuumassutillit suleqatigalugit suleqatigiissitaliorput, taakkulu kalaallit filmiliortartut qanoq nukittorsarnissaannut inassuteqaasiortussaallutik. Nassuiaat UPA2023-mi Inatsisartunut agguaanneqarpoq.

Nassuiaammi ilaatigut filmiliornermut tunngatillugu utertitsisarneq pillugu aaqqissuussaq suliarineqarpoq. Naalackersuisut oqaatigaat, suleqatigiissitamit isumaqartut, utertitsisarnermik maanna aaqqissuussaasoq naammangitsoq, tak. Toqqaannartumik akileraarutit pillugit konto pingaarnermut 24.10-mut oqaasertaliussat. Suleqatigiissitanit oqaatigineqarpoq aaqqissuussaq ilisimaneqanngitsoq kiisalu aaqqissuussaq atorneqarsinnaanngitsoq. Naalackersuisut tamanna tusaatissatut tiguaat.

Nassuiaammi aaqqissuussap taassuma pitsanngorsarneqarnissaa siunertaralugu imaluunniit filmiliortartunut atorluarsinnaanerunissaa anguniarlugu nutaamik aaqqissuussisoqarnissaa siunertaralugu tamanna erseqqinnerusumik misissuiffigineqassasoq Naalackersuisunit inassutigineqarpoq. Tassunga atatillugu malittarisassanik aalajangersaanissaq siunertamut naapertuuttuunersoq aamma inatsisip qanoq pitsaatiginera nalilersorneqassapput.

Tassunga atatillugu oqaatigineqarsinnaavoq filmiliortarneq pillugu Inatsisartut inatsisissaannut siunnersuummik Naalackersuisut saqqummiusseqquneqarmata, tak. UKA2023/46. Tassani ilaatigut filmiliornermut instituttimut kiisalu filmiliornermut isumalioqatigiissitamut tunngasunik malittarisassanik imaqaassaaq. Suliamut taaguut tassani pineqarmat tassunga atatillugu oqaatigineqassaaq. Tassa inatsimmik piareersaalluni sulinerup ingerlanerani Inatsisartut inatsisaata allamik taaguusernissaa pisariaqalersinnaavoq. Imarisassaattulli eqqarsaatigineqartut assigiissinnaapput.

Inassuteqaammut 8-mut oqaaseqaatit.

Eqqumiitsuliornermik inuussutissarsiuteqarnermut tunngatillugu Naalackersuisut innersuussutigissavaat UPA 2022/173-mi apeqquteqaat tunngavigalugu oqallinnissamut siunnersuummi Inatsisartut oqallisigisaat: "Qanoq iliornikkut eqqumiitsuliornermut isiginnittariaaserput kulturiinnarmut sunngiffimmilu suliassaannartut attuumassuteqarunnaartillugu, annerusumik inuussutissarsiutit akuerisaanerulersissinnaanera pillugu apeqquteqaat aallaavigalugu oqallisissiaq." Eqqumiitsuliorlut allat assigalugit eqqumiitsuliorlut inuussutissarsiummik ingerlatsisutut akuerineqarnissaat Naalackersuisut akissuteqaamminni isumaqatigaat. Sapinngisamik inuussutissarsiutinik amerlasuunik assigiinngisitaartunillu peqarnissarput pingaaruteqarpoq. Eqqumiitsuliorneq inuussutissarsiutaavoq suleruluttarnissamik, piumassuseqarnissamik sulerusussusermillu piumasaqarfiusarteq. Naalackersuisut nuannaarutigaaq isumasioqatigiinnermi peqataasut tamanna qaqilermassuk inassutigalugulu eqqumiitsuliorlutut inuussutissarsiuteqarneq ersarissarneqassasoq il.il.

Apeqqut 3:

Tassunga tunngasumik allamik naalackersuisut oqaasissaqarpat?

Akissut:

Naalackersuisut suliamut allamik oqaaseqaatissaqanngillat.

Inussiarnersumik inuulluaqqusilluta

A handwritten signature in black ink, reading "Aqqaluaq B. Egede". The signature is written in a cursive style with a large initial 'A' and a distinct 'B'.

Aqqaluaq B. Egede